

# **X CERTAME DE DEBUXO, CONTO e RELATO “FALANDO DE SOLIDARIEDADE”**

Convocado polo CEIP Padre Crespo de Xunqueira de Ambía

*En memoria de Celtia e Eva*

Nos centros educativos atopámonos co difícil reto de fomentar unha serie de valores que en moitos casos van contracorrente nunha sociedade cada vez máis distante dos mesmos.

Non atopamos un mellor xeito de exemplificalos e levalos á práctica que a través da perspectiva das nosas alumnas e alumnos, protagonistas fundamentais do sistema educativo e futuros piares da sociedade. Para isto, terán que, dacordo coas súas idades e posibilidades, expresarse mediante un debuxo, contándonos algún conto ou narrándonos pequenas historias que nos falen de solidariedade e aqueles valores que xiran arredor do seu significado: axuda, apoio, amizade, respecto, integración, colaboración, compañeirismo, igualdade...

## **Temática: “Historias solidarias de superación ante a adversidade”**

Nesta décima edición do certame recollemos parte das temáticas xa tratadas nos últimos anos. Queremos que o alumnado participante reflexione sobre todo o que nos acontece cando nos enfrontamos a unha desgraza que na meirande parte dos casos chega sen avisar: enfermidades, accidentes, perdas de seres queridos, guerras, emigración, persecución por cuestións ideolóxicas, maltrato, acoso, abandono...

De súpeto, hai un cambio radical nas nosas vidas. Dun día para outro todo o noso mundo coñecido muda, desaparece e asómanse a incertidume, o medo, a dor, a desesperación...

Ante a adversidade a resposta solidaria da “nosa xente”, familia, amizades, veciñanza.... Pode axudar a ver a luz a final do túnel ás persoas afectadas.

Nin que dicir ten que en casos de guerra, movementos migratorios, accidentes, catástrofes naturais, incendios... o activismo e solidariedade de organizacións humanitarias e da propia sociedade en xeral é fundamental, como temos visto en tantas e tantas situacións críticas: auxilio e atención á xente afectada, recollida de alimentos, roupa, donativos, aloxamento, transporte e acollida dos refuxiados en distintos países...

Unha vez máis, non podemos deixar de mencionar o xerme da celebración deste certame en memoria de Celtia e Eva: “o espírito de Angrois” coma exemplo de reacción solidaria dunha aldea ante unha traxedia.

Para o X Certame **os debuxos, contos, relatos, poemas ou ensaios, ademais das fotos, presentacións ou vídeos, versarán sobre todo o que xira arredor da problemática daquelas persoas que grazas a solidariedade poden afrontar, melloran, ou superan situacións críticas: accidentes, desastres naturais, enfermidades, depresións, adiccións, abandono, soidade, maltrato, acoso, separación da familia, emigración, discriminación (raza, xénero ou relixión), falta de oportunidades ...**

Queremos espertar consciencias falando sobre temas ben complicados, en moitos casos silenciados, que nos custa abordar e poñer sobre a mesa.

Queremos recoller historias solidarias de heroes e heroínas, de veciños e veciñas, daquelas persoas do ámbito e do tempo que sexa... que contribuíron e contribúen anonimamente a mellorar a vida dos demais, a axudar sen condicións nin condicionantes.

Queremos que faledes de sentimentos e pesares, da desgraza ou a esperanza, de esforzos e ilusións... Como nos sentimos ou sentiríamos se o deixamos todo e como afrontaríamos esa nova realidade? Temos ou tivemos alguén na familia que emigrou, que tivo que fuxir...? Que sofre ou sufriu algunha perda, enfermidade, depresión, adicción, desgraza, falta de traballo, acoso, maltrato, dificultades económicas...

Queremos que reflexionedes sobre o tipo de sociedade na que vivimos, na que as desigualdades sociais son cada vez son maiores e as súas consecuencias están contribuíndo a afondar a fenda social dos colectivos máis desprotexidos e dá a sensación, que ante un novo acontecemento que axiña pasamos páxina e nos centramos no inmediato... que axiña esquecemos as dificultades doutros pobos, doutra xente... como se resolveramos todo a golpe da inmediatez dun click, dun whatsapp...

Que esperta en nós a solidariedade?

Pechamos os ollos a “certas realidades” cando non nos afecta directamente?

Somos realmente conscientes de que tamén nos pode “tocar”?

Por que non empezamos a “conxugar” a solidariedade?

Seguro que atopas algunha causa...

## BASES DO CONCURSO:

1. Poderán participar rapaces e rapazas en idade escolar, dende Educación Infantil ata Bacharelato e alumnado da EPA e da ESA, que presenten obras orixinais e inéditas en **galego** \*. O xurado valorizará a orixinalidade artística e literaria, a riqueza lingüística e a corrección gramatical acordes ás categorías.

\* Dada a situación de acollida de familias estranxeiras, aceptaranse os seus textos no idioma propio ou nun segundo idioma no que sexan capaces de expresarse, que posteriormente traduciremos ao galego.

### 2. Establécense diferentes categorías:

-Alumnado de Educación Infantil: debuxos con ou sen texto presentados nos folios oficiais a tal efecto.

-Alumnado de 1º e 2º de Primaria: debuxos con ou sen texto presentados nos folios oficiais a tal efecto.

-Alumnado de 3º e 4º de Primaria: contos ou relatos, ata un máximo de 2 folios. Se van acompañados de ilustracións, empregaranse para as mesmas os folios oficiais.

-Alumnado de 5º e 6º de Primaria: contos ou relatos, ata un máximo de 2 folios. Se van acompañados de ilustracións, empregaranse para as mesmas os folios oficiais.

-Alumando da ESO, Educación para Adultos e Bacharelato:

a. relatos ou ensaios de ata un máximo de 2 folios.

b. Categoría de FOTOS e VÍDEOS, de configuración libre sobre a temáticas proposta.

NON importa forma e tamaño nin dispositivo dende o que se realice (cámara, tablet, teléfono).

-Alumnado diagnosticado con Necesidades Educativas Especiais: debuxos, contos, relatos, ensaios, poemas, fotos ou vídeos que deberán vir acompañados dunha pequena explicación da obra e da situación e realidade do alumnado, que o xurado deberá ter en conta para unha mellor interpretación e valoración dos traballos presentados.

### 3. Presentación:

a. **Debuxos**: nos folios oficiais. Deberán levar unha pequena explicación na parte posterior.

b. Contos: folios din A4, letra times new roman 12 a dobre espazo. Se son ilustrados nos folios oficiais.

c. Relatos, ensaios ou poemas: folios din A4, letra times new roman 12 a dobre espazo. No caso de achegar portada ou ilustración, faranse nos folios oficiais.

d. As fotos e os vídeos (máximo 3 min.) deberán ir acompañadas dunha explicación das imaxes: protagonistas, lugar, acción ou feitos que se contan ou denuncian...

e. As obras deberán ir asinadas cun pseudónimo e indicarse o centro escolar do alumnado.

#### 4. Prazo e lugar de presentación:

As obras recibidas ata o luns **22 de maio**, nas seguintes Bibliotecas:

- CEIP Padre Crespo de Xunqueira de Ambía e Biblioteca do Concello
- CEIP Padre Feijoo de Allariz, IES de Allariz e Biblioteca do Concello
- No seguinte enderezo electrónico: [ceip.padre.crespo@edu.xunta.gal](mailto:ceip.padre.crespo@edu.xunta.gal)
- Por correo ordinario ao enderezo:

CEIP Padre Crespo - Estrada de Maceda s/n

32670 Xunqueira de Ambía – Ourense

#### 5. Premios

##### - Infantil

- 1º premio: bono de 50€ para material escolar, xogo didáctico e lote de libros.
- 3 finalistas: bono de 25€ para material escolar, xogo didáctico e lote de libros.

##### - 1º e 2º de Primaria

- 1º premio: bono de 50€ para material escolar, xogo didáctico e lote de libros.
- 2 finalistas: bono de 25€ para material escolar, xogo didáctico e lote de libros.

##### - 3º e 4º de Primaria

- 1º premio: bono de 50€ para material escolar, xogo didáctico e lote de libros.
- 2 finalistas: bono de 25€ para material escolar, xogo didáctico e lote de libros.

##### - 5º e 6º de Primaria

- 1º premio: mini tablet, bono de 50€ para material escolar e lote de libros.
- 2 finalistas: bono de 25€ para material escolar, xogo didáctico e lote de libros.

##### - Alumnado diagnosticado con Necesidades Educativas Especiais

- 1º premio: bono de 50€ para material escolar, xogo didáctico e lote de libros.
- 3 finalistas: bono de 25€ para material escolar, xogo didáctico e lote de libros.

##### - 1º Ciclo Secundaria:

- 1º premio: dispositivo electrónico para escoitar música, bono de 50€ para material escolar e lote de libros.
- Finalista: dispositivo electrónico para escoitar música, bono de 25 € para material escolar e lote de libros.

- 2º Ciclo Secundaria:

- 1º premio: dispositivo electrónico para escoitar música, bono de 50€ para material escolar e lote de libros.
- Finalista: dispositivo electrónico para escoitar música, bono de 25 € para material escolar e lote de libros.

- Educación Secundaria de Adultos (ESA):

- 1º premio: dispositivo electrónico para escoitar música, bono de 50€ para material escolar e lote de libros.
- Finalista: dispositivo electrónico para escoitar música, bono de 25 € para material escolar e lote de libros.

- Bacharelato

- 1º premio: dispositivo electrónico para escoitar música, bono de 50€ para material escolar e lote de libros.
- Finalista: dispositivo electrónico para escoitar música, bono de 25 € para material escolar e lote de libros.

-Categoría Fotos e vídeos

- 1º premio: dispositivo electrónico para escoitar música, bono de 50€ para material escolar e lote de libros.
- Finalista: dispositivo electrónico para escoitar música, bono de 25 € para material escolar e lote de libros.

6. Comporán o **xurado** os encargados e encargadas das Bibliotecas dos Concellos de Xunqueira de Ambía e Allariz e das Bibliotecas Escolares dos Centros educativos de diferentes localidades da provincia así coma membros do equipo de profesorado dos mesmos.

7. O **fallo do xurado** farase público o 25 de maio.

8. O xurado resérvase o dereito de admisión daquelas obras que poidan atentar contra a intimidade ou imaxe de terceiros ou conter comentarios e expresións inapropiadas.

## 9. ENTREGA DE PREMIOS E ACTIVIDADES CULTURAIS.

A entrega de premios e actividades culturais asociadas que normalmente terán lugar o **venres 26 de maio** na Colexiata de Santa María en Xunqueira de Ambía,

10. As obras poderán ser publicadas ben a través dos blogs e páxinas web dos centros educativos ou ben editadas en formato papel.

11. A participación neste concurso implica a aceptación das presentes bases.

**Entidades colaboradoras:** Concello de Xunqueira de Ambía, Editorial Galaxia, Librarías Aira das Letras de Allariz, as Bibliotecas dos Centros Escolares e dos Concellos de Xunqueira de Ambía e Allariz.